



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11-3058/26

Datum: 30.01.2026. godine

Na osnovu čl. 8. st. (1) i (2) i 18. st. (1) i (2) Zakona o javnim nabavkama BiH („Službeni glasnik BiH“, br. 39/14 i 59/22), člana 5. stav (1) Pravilnika o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23), Budžeta Kantona Sarajevo („Službene novine Kantona Sarajevo“, broj 52/25), Odluke o utvrđivanju Plana javnih nabavki za 2026. godinu broj: 06-11-2175/26 od 23.01.2026. godine i objavljenog Plana javnih nabavki za 2026. godinu broj: 06-11-2175-1/26 od 28.01.2026., Ministar za boračka pitanja Kantona Sarajevo
d o n o s i,

O D L U K U

o pokretanju postupka javne nabavke za pružanju usluga obrazovanja i stručnog usavršavanja državnih službenika po raznim oblastima u svrhu obezbjeđivanja potrebne i obavezne edukacije u 2026. godini
Usluge iz Anex-a II Zakona o javnim nabavkama
JRJN: 80522000-9- obrazovni seminari

Član 1.

Odobrava se pokretanje postupka javne nabavke za pružanje usluga obrazovanja i stručnog usavršavanja državnih službenika Ministarstva za boračka pitanja Kantona Sarajevo iz slijedećih oblasti:

1. Edukacije vezana za provođenje i praktičnu primjenu Zakona o javnim nabavkama („Službeni glasnik BiH“, br. 39/14, 59/22 i 50/24) i podzakonskih akata;
2. Kontinuirane edukacije računovođa i revizora;
3. Obuke za rad na računaru, specifični program i sl.;
4. Edukacije za menadžere kvalitete i Refrešeri seminari kvalitete;
5. Edukacije vezano za izmjene zakonskih propisa i drugih aktuelnih tema vezanih za rad u organima uprave;
6. Edukacija o alatima i vještinama za pisanje projekata i apliciranje na EU fondove, kao i implementaciju istih;
7. Korištenje elektronskih vidova edukacije;
8. Ostale teme neophodne za rad ministarstva.

Član 2.

Nabavka usluga obrazovanja i stručnog usavršavanja će se izvršiti iz sredstava obezbjeđenih u Budžetu Kantona Sarajevo za 2026. godinu („Službene novine Kantona Sarajevo“, broj 52/25) – Razdjel ministarstva 13010001, sa pozicije 613900 – ugovorene i druge usluge za 2026. godinu. Procijenjena vrijednost javne nabavke prema Planu javnih nabavki za 2026. godinu broj 06-11-2175-1/26 od 28.01.2026. godine iznosi **6.000,00 KM** (slovima: šest hiljada KM).



Javna nabavka će se provesti po procedurama Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23).

Član 3.

Ministarstvo za boračka pitanja Kantona Sarajevo će Javni poziv za predmetnu nabavku objaviti na Portalu javnih nabavki.

Član 4.

Za realizaciju ove Odluke zadužuje se sektor za ekonomske poslove i projete.

Član 5.

Ova Odluka stupa na snagu danom donošenja.

O b r a z l o ž e n j e

Na osnovu Budžeta Kantona Sarajevo („Službene novine Kantona Sarajevo“, broj 52/25), Odluke o utvrđivanju Plana javnih nabavki za 2026. godinu broj: 06-11-2175/26 od 23.01.2026. godine i objavljenog Plana javnih nabavki za 2026. godinu broj: 06-11-2175-1/26 od 28.01.2026. godine na Portalu javnih nabavki, omogućava se obrazovanje i stručno usavršavanje državnih službenika po slijedećim temama:

1. Edukacije vezana za provođenje i praktičnu primjenu Zakona o javnim nabavkama BiH („Službeni glasnik BiH“, br. 39/14, 59/22 i 50/24) za 2026. godinu;
2. Kontinuirane edukacije računovođa i revizora za 2026. godinu;
3. Obuke za rad na računaru, specifični program i sl. za 2026. godinu;
4. Edukacije za menadžere kvalitete i Refrešer seminari kvalitete za 2026. godinu;
5. Edukacije vezano za izmjene zakonskih propisa i drugih aktuelnih tema vezanih za rad u organima uprave za 2026. godinu.
6. Edukacija o alatima i vještinama za pisanje projekata i apliciranje na EU fondove, kao i implementaciju istih.
7. Pretplate na elektronske edukacije i sl.

Na osnovu člana 25 stav 1. tačka (e). Zakona o državnim službenicima u Kantonu Sarajevo („Službene novine Kantona Sarajevo“, broj 31/16) utvrđeno je da državni službenici imaju pravo na pomoć u stručnom obrazovanju i usavršavanju, u cilju kontinuiranog praćenja svih noviteta u različitim oblastima poslovanja putem obuke i na druge načine u skladu sa potrebama i planom utvrđenim od strane organa državne službe.

Ponudači koji dostavljaju ponude i pozive za obrazovanje i stručno usavršavanje u vidu seminara i sl. moraju biti ovlašteni za rad, te raspolagati stručnim kadrom koji će vršiti edukaciju i stručno usavršavanje državnih službenika u određenim oblastima.

Pozivi za pružanje navedenih usluga će se smatrati ponudama ponuđača (kao što je organizovanje seminara i svih drugih vidova obuka po određenim temama).

Ministarstvo za boračka pitanja Kantona Sarajevo će na osnovu dostavljenog poziva vršiti analizu tema i sadržaja edukacije, te ukoliko se opredjeli za iste, dostavit će pismene prijave na edukaciju za jednog ili više državnih službenika.

Obrazovanje i stručno usavršavanje odnosi se na obrazovanje i stručno usavršavanje uposlenika po raznim temama bitnim za provođenje aktivnostiu ministarstva, a po ukazanoj potrebi.

S tim u vezi poznato je da veliki broj ovlaštenih ponuđača organizira seminare, i ne može se unaprijed znati koji ponuđači će se javiti po osnovu ovog javnog poziva, i po kojim temama, te se sa izabranim ponuđačima neće sklapati ugovori.

Ispostavljena originalna fakture od strane dobavljača nakon izvršene usluge, a na osnovu zahtjeva/narudžbe od strane ugovornog organa će se smatrati zaključenim ugovorom, a što je u skladu sa članom 4. stav (2) Pravilnika o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23).

Na osnovu naprijed navedenog, odlučeno je kao u članu 1. ove Odluke.

